

Maman!



Projet promovût di 'Il Friuli' e 'ARLeF'



LIS AVENTURIS DI VIGJI E LUMI

MANDI,

vuê, intant che mi rimpinavi sù pe librerie, di bot e sclop al è colât un libri.

No lu vevi mai viodût. Vert e sglonf che al pareve che dentri al fos platât cualchidun di vêr.

Lis fotografiis dal libri mi contin di un fûc che si è impiât.

Fueis, ramaçs e paie a zuin cu lis flamis.

Mi imagjini di scoltâ il **sclopetâ** dal fûc.

E je la gnot là che dut si ferme e là che si preparisi par une

gnove stagjon: l'Invier.

Là che il vejco al lasse il puest al gnûf: si cjape sù ce che la tiere e à regalât e si

semene ce che e darà.

O soi plene di voie di savênt di plui di chest periodi dal an.

O sin ai 31 di Otubar, o sieri il libri e o voi a domandâi ae mê paronute se e sa contâmi alc su la Gnot dai Muarts!

Une bussade, Lumi



Il dissen di Lumi al è di Serena Debegnach



ZÛC



Daria e Chiara si preparin pe Gnot dai Muarts. Prove a rispindi a chestis domandis:

Cui ise chê che e à intor il cjapiel di strie, Chiara o Daria?

Dulà sono lis sioris su la taule? Cercilis di viole.

Maman! al torne cun gnovis aventuris ogni setemane.

Us din apontament su

telefriuli

vinars aes 5.45 sot sere




LU SAVEVISO CHE...?

■ Ai 25 di Otubar, e je Sante Daria di Reggio Emilia. Il non al ven de lenghe persiane e al vûl di "che e manten il ben". E voaltris, cognossêso la zornade dal vuestri onomastic? Savêso il significât dal vuestri non?



> Tant par ridi



Parcè lis striis doprino la scove par svolâ?

Par vie che l'aspiradôr al è masse pesant!

DISSEN

Mandinus un dissen che al conte di Maman! a maman@tvstar.com



Il dissen al è di Joa (8 agns).

Pagjine curade di Daria Miani e dal Sportel Regionâl pe Lenghe Furlane de ARLeF

ARLeF
AGENZIE REGIONÂL PE LENGHE FURLANE